

## LLIENDA DEL POZU L.LOBOS - L.LENA

Julio Concepción Suárez Espublizada nel llibru *Por las montañas de Lena*, (pp. 177-178) Ed. KRK. Uviéu. Recoyío de la páxina personal de Xulio

Hai una llienda que se caltién arreyada a les parés del Pozu L.lobos de Foz, per baxo de Xamixé, nos altos que llinden Riosa y L.lena que diz asina:

"Yera una muyer que tuvo un fíu de soltera. El mocecu foi creciendo ca vez más retorció y endemonióu, faciendo-yos la vida imposible a los de so casa y a tolos vecinos del l.lugar.



Cuando tenía siete años, al guah.e yá nun lu aguantaba nin so madre, asina que díxo-y un día mui enfadá:

- En mal l.lubu te convirtieras, siquiera nun fuera más que quince años.

Oyúse entós mesmo una bramía, y en mediu d'un gran fumezu, salú pela puerta un l.lubu col reu ente las patas.



El casu nun pasó a más. El puiblu quedó tranquilu. Pero entamó a pasar dalgo raro nas batías escontra los l.lobos, cuando tenían a del.los yá acorralaos camín del Pozu, toos diban cayendo atrapaos dientro menos ún que lu furtiaba blincando penriba y nun diba a la trampa de los cebatos. Bien paecía que lu golía, yera como si conciera'l sitiú o tuviera pasao pil.lí munchas veces y por eso salvaba'l puzu. El casu yera



que siempre escapaba un l.lubu por más que s'enfotaren los cazaos.

Foi pasando'l tiimpu, y xustu a los quince años, entró pela mesma puerta casa un muzu con pinta de serviciu militar cumplíu:

-¿Nun me reconoces, ma?

-iNon! -contestó la madre.

-Pues soi mesmamente'l to fíu convertíu en l.lubu, y yá cola pena redimía: equí tienes, como preba, quince pelos arrancaos del pechu: los que me fueron saliendo, ún per cada añu.

-Agora caigo yo -dixo la madre-: yeras tu'l llobu aquel que siempre nas batías saltaba percima del Puzu Foz: yeras tu'l condenéu que lu conocías bien."

1- Escribi nel testu'l pallabreru que nun conozas

2- Esti testu ta recoyíu de la fala y tien munches pallabres na fala de L.lena, escribi equí polo menos 6 d'elles. Ponles cómo se diríen na fala de Xixón por exemplu

3- ¿Qué facía'l rapaz-llobu nes batías? ¿Qué trae'l rapaz a so madre y por qué?

4 – Xebra'l testu en tres partes, entamu, nudu y desenllaz  
Entamu – dende.....

5- Dibuxa'l cómic d'esta historia atiende pa los testos qu'escueyas y alcuérdate que nos cómic hai narradores (cuadros de testu) y diálogos (bocadiellos de personaxes)

Testu adaptáu y ficha ellaborada por Xesús Torga profesor de Llingua del  
IES BENEDICTO NIETO